

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренијски савјет

MIŠLjENjE
po zahtjevu privrednog subjekta ČEZ a.s. Prag, Češka Republika,
o obavezi podnošenja prijave namjere koncentracije

Sarajevo
April, 2008. godine



Broj: 01-01-26-168-4-I/08
Sarajevo, 16.04.2008. godine

Na osnovu člana 25. stav (1) tačka f) Zakona o konkurenciji ("Službeni glasnik BiH", br. 48/05 i 76/07), a po Zahtjevu privrednog subjekta ČEZ a.s. Prag, Duhova 2/1444, Prag, Češka Republika, zastupanom po advokatu Kerimu Karabdić, Hadži Idrizova 20, Sarajevo, za davanjem mišljenja o obavezi podnošenja prijave namjere koncentracije zaprimljenog od strane Konkurencijskog vijeća dana 18.03.2008. godine, pod brojem: 01-01-26-168-I/08, Konkurencijsko vijeće, na 65. (šezdeset i petoj) sjednici održanoj dana 16.04.2008. godine, je donijelo

MIŠLJENJE

Privredni subjekt ČEZ a.s. Prag, Duhova 2/1444, Prag, Češka Republika (u daljem tekstu: ČEZ ili Podnosilac zahtjeva), zastupan po advokatu Kerimu Karabdić, Hadži Idrizova 20, Sarajevo, podnio je Konkurencijskom vijeću dana 18.03.2008. godine, pod brojem: 01-01-26-168-I/08, Zahtjev za davanje mišljenja o obavezi podnošenja prijave namjere koncentracije.

Podnosilac zahtjeva navodi da ima namjeru da u Bosni i Hercegovini osnuje novi privredni subjekt ČEZ BiH d.o.o. Sarajevo, sa kapitalom od (..)**¹KM i 100% vlasništvom privrednog subjekta ČEZ. Glavne aktivnosti novog privrednog subjekta bile bi proizvodnja i distribucija električne energije. U skladu sa navedenim, Podnosilac zahtjeva traži mišljenje Konkurencijskog vijeća da li u navedenom slučaju osnivanje privrednog subjekta ČEZ BiH d.o.o. Sarajevo, podliježe obavezi podnošenja prijave namjere koncentracije Konkurencijskom vijeću.

Podnosilac zahtjeva takođe navodi da je Konkurencijsko vijeće svojim Rješenjem broj: 01-02-26-021-9-II/06 od 22.03.2007. godine odobrilo koncentraciju koja će nastati na tržištu proizvodnje i distribucije električne energije u Bosni i Hercegovini, na osnovu zajedničkog ulaganja na dugoročnoj osnovi privrednog subjekta ČEZ i privrednog subjekta Mješoviti Holding Elektroprivreda Republike Srpske Trebinje - Matično preduzeće a.d. Trebinje u novi privredni subjekt Nove elektrane Republike Srpske.

Zakon o konkurenciji je članom 12. propisao šta se sve smatra koncentracijom, dok je članom 14. istog Zakona propisao pod kojim uslovima su učesnici koncentracije obavezni podnijeti prijavu namjere koncentracije Konkurencijskom vijeću.

¹ (..)** - Podatak predstavlja poslovnu tajnu

Ukoliko su ispunjeni uslovi iz čl. 12. i 14. Zakona o konkreciji, privredni subjekt je dužan podnijeti prijavu namjere koncentracije u smislu člana 16. istog Zakona u roku od 8 (osam) dana od dana zaključenja sporazuma, objavljivanja javne ponude ili sticanja kontrole, zavisno od toga šta nastupi ranije.

Predsjednik

Sanja Božić